

## Wien, Österreichische Nationalbibliothek (ÖNB), Cod. 1672

2121

## L I T U R G I C I .

2122

*cuore. elo non de dubitare de la sua salute. Interrogationes hae latine habentur in edit. Opp. Anselmi Paris. 1721. p. 194. f. et bis Vol. I. a me relatae sunt.*

## DCCCLXXVIII.

U. 662 Codex membraneus lat. Sec. XIV. Folior. 606. 8. maj. eleganter exaratus, rubricis enotatus, olimque ejusdem Job. Fabri, itidem *Breviarium* est, et quidem ad *Bohemiam* pertinens, ut fidem faciunt Divi Tutelares Regni in *Calendario* praevio minio distincti. Inter Officia de Sanctis fol. 595. comparet Caroli M. Imperatoris confessoris non pontificis, et fol. 599. *Longini martyris.*

## DCCCLXXIX.

U. 660 Codex membraneus lat. Sec. XV. Folior. 616. 4. min. bene quamvis non una manu perscriptus, coloribus illustratus et anno 1533. *Mathaei Mlakbar Isauriæ*, pariter *Breviarium* est, et quidem Dioec. *Salisburgensis*, ut in praefixo *Calendario* mense *Martio* *Depositio S. Rudberti ep. Junio Erndrudis v. Septembri Translatio S. Ruderti ep. et Virgili ep.* Novembri *Depositio S. Virgili ep.* rubricata denotant, item in ipso decursu fol. 543. p. 2. *Finita collecta fiat processio ad sanctum Rudpertum. fol. 545. p. 2. In dedicacione ecclesie que celebratur proxima die post ruderti in ecclesia Salzburgensi, et fol. 549. p. 2. Finita oratione fiat processio ad san-*

*tum Virgilium. Oratio in utraque dicenda incipit: Omnipotens sempiterne deus altare hoc nominis tui dedicatum &c. Qui hodie ad recitandas Horas canonicas tenentur, comparent ordinatissima Exemplaria sua cum vetustis ejusmodi *Breviariis*, et de commodis suis sibi gratulentur.*

## DCCCLXXX.

Codex membraneus lat. Sec. R. 27 XV. Folior. nunc 481. f. primum lineis longis, dein a fol. 87. per duas columnas, probe scriptus, coloribusque varius sacrum Chori Officium, quod vulgo *Breviarium* audit, complectitur, pertinuitque olim ad Ecclesiam Metropolit. *Strigonensem in Hungaria*, ut liquet e sequentibus. Praeit *Calendarium*, in quo miniati *Gerardus*, *Adalbertus*, *Ladizlaus*, *Stephanus* &c. Regni Tutelares. Ad *Februarium* manu Sec. XV. notatur: *Anno domini 1465. prima die Mensis Februario Obiit Rmus dominus Dionisius de Zects Titt. Sancti Ciriaci presbiter Cardinalis Archiepiscopus Strigonien. et in Regno Hungarie legatus de latere &c.* Ad *Julium* eadem, qua *Calendarium* scriptum est, manu: *Anno d. M° CCCC° XXI. feria sexta proxima ante festum sancte (Margaritae Virg.) hora serotina obiit venerabilis bone memorie dominus petrus prepositus Ecclesie Strigonien. cuius Viri etiam Epitaphium hiulcis constans versibus ad marginem inferiorem legitur, in quo audit:*